

Christliche Leichpredig.

allein auff **G D Z** gesetzt vnd gestellet hat / also haben auch ihr Gnaden / ihr hoffnung / trost vnd zuversicht / allein auff den lebendigen **G D** / vnd Jesum Christum den einigen Mittler / vnd auff des **H. Geistes** hilff vnd beystand gesetzt vnd gestellet / vnd solches darumb / dieweil geschriben stehet / Jerem. 17. Geseget ist der Mann / der sich auff dem Herrn verlässet / vnd der Herz sein zuversicht ist / hergegen verflucht ist der Mann / der sich auff Menschen verläst / vnd helt Fleisch für seinen Arm / vnd mit seinem Herzen vom Herrn weicht.

Zum fünfften / gleich wie **S. Paulus** sich der frölichen Auferstehung am Yüngsten Tag getröstet hat / also ist auch dieses ihrer Gnaden gröster vnd höchster trost gewesen / wie die schöne Bekantnuß / in werender Kranckheit / vnd die tröstliche Sprüche bezeugen: Nach diesem Leben / das ewige Leben: Christus ist mein leben / sterben ist mein gewinn / auß dem 1. Capitel an die Philipper / vnd andere mehr.

Zum sechsten / gleich wie **S. Paulus** bey solcher hoffnung zu **G D Z** sich eines guten Gewissens beflissen hat / beydes gegen **G D Z** / vnd gegen den Menschen: Also hat auch ihr Gnaden so viel in dieser Schwachheit möglich / sich eines guten Gewissens beflissen / beyde gegen Gott vnd gegen den Menschen.

Gegen Gott.

In dem ihr Gnaden / die vergebung der Sünden / die Gerechtigkeit vñ Seligkeit allein gesuchet hat / in der barmherzigkeit Gottes / vnd dem thewre verdienst Blut vñ Tod Jesu Christi / dessen sie sich durch wahren glauben getröstet /